

寶雞縣志

卷十三
卷十四
卷十五
卷十六

寶雞縣志卷之十三

錄史

秦文公三年以兵七百人東獵四年至汧渭之會曰周邑我先秦
嬴於此後卒獲為諸侯乃卜居之占曰吉史記秦本紀

帝王世紀云文公徙居汧今扶風郿縣是也今按汧水於縣東
之武城鎮注渭所謂汧渭之會疑即此郿在渭南非汧水所經
也

十六年以兵伐戎戎敗走於是文公遂收周餘民有之地至岐岐
以東獻之周

甯公元年徙居平陽

寶雞縣志

卷十三

陝西印刷局印

武公元年居平陽封宮十年滅小虢

俱秦本紀

漢元年正月項羽封章邯為雍王

史記高宗本紀

羽本紀立章邯為雍王王咸陽以西

八月漢王用韓信計從故道襲雍王章邯邯迎擊漢陳倉雍兵敗

高祖本紀

漢書韓信傳漢王大喜自以為得信晚遂聽信計部署諸將出

陳倉定三秦

二年六月廢邱降章邯自殺雍州定置河上渭南中地隴西上郡

漢書高帝本紀

服虔曰中地右扶風也

秦楚之際月表邯以義帝元年即高帝元年正月封以二年六月滅凡

十八月漢異姓諸侯王表同

初元五年三月行幸雍祠五時漢書元帝本紀

王尊傳初元中遷號令上行幸雍過號尊供張如法而辦按元帝初元中

惟五年行幸雍尊之供張當在是年

光武建武二年九月延岑大破赤眉於杜陵後漢書光武本紀

劉盆子傳建武二年九月漢中賊延岑出散關屯杜陵

順陽侯嘉傳建武二年延岑反攻漢中圍南鄭嘉兵敗走岑遂

定漢中進兵武都為更始柱功侯李實所破岑走天水嘉收散

卒萬人以實為相還屯河池下辨復與延岑連戰岑引北入散

寶雞縣志

卷十三

二

陝西印刷局印

關至陳倉嘉追擊破之

三年陳倉人呂鮪擁眾數萬與公孫述通寇三輔隗囂遣兵佐征

西大將軍馮異擊之走鮪光武本紀

公孫述傳光武方有事山東未遑西伐關中豪傑呂鮪等往往

擁眾以萬數莫知所屬多往歸述

四年征西大將軍馮異與公孫述將程焉戰於陳倉破之光武本紀

馮異傳呂鮪據陳倉詔拜南陽趙匡為右扶風將兵助異鮪等

遣使降蜀公孫述遣將程焉將數萬人就鮪出屯陳倉異與趙

匡迎擊大破之

安帝元初元年先零羌寇武都漢中絕隴道安帝本紀

虞詡傳羌寇武都鄧太后以詡有將帥之略遷武都太守羌率衆數千遮詡於陳倉嶠谷詡卽停軍不進而宣言上書請兵須到當發羌聞之乃分掠旁縣詡因其兵散日夜進道兼行數百里令吏士各作兩竈日增倍之羌不敢逼

靈帝中平五年十一月涼州賊王國圍陳倉左將軍皇甫嵩討之

六年春二月左將軍皇甫嵩大破王國于陳倉

俱靈帝本紀

皇甫嵩傳中平五年王國圍陳倉拜嵩爲左將軍督前將軍董卓各帥二萬人拒之卓欲速進赴陳倉嵩不聽卓曰智者不後時勇者不留決速救則城全不救則城滅全滅之勢在於此也嵩曰不然百戰百勝不如不戰而屈人之兵是以先爲不可勝

以待敵之可勝不可勝在我可勝在彼彼守不足我攻有餘有餘者動於九天之上不足者陷於九地之下今陳倉雖小城守固備非九地之陷也王國雖強而攻我之所不救非九天之勢也夫勢非九天攻者受害陷非九地守者不拔國今已陷受害之地而陳倉保不拔之城我可不煩兵動衆而取全勝之功將何救焉遂不聽王國圍陳倉自冬迄春八十餘日城守堅固竟不能拔賊衆疲敝果自解去嵩進兵攻之卓曰不可兵法窮寇勿追歸衆勿迫今我追國是迫歸衆追窮寇也因獸猶鬪蜂虿有毒况大衆乎嵩曰不然前吾不擊避其銳也今而擊之待其衰也所擊疲師非歸衆也國衆且走莫有鬪志以整擊亂非窮

寇也遂獨進擊之使卓爲後距連戰大破之斬首萬餘級國走而死董卓傳同

獻帝興平元年三月韓遂馬騰與郭汜樊稠戰於長平觀遂騰敗

績獻帝本紀

九州春秋曰馬騰韓遂之敗樊稠追至陳倉遂語稠曰天地反覆未可知也本所爭者非私怨王家事耳與足下鄉里人今雖小違要當大同欲相與善語以別邂逅萬一不如意後可復相見乎俱卻騎前接馬交臂相加共語良久而別李催兄子隨稠歸言其狀催疑之後遂殺稠按接馬交臂之事後漢書亦載於董卓後而不言其地

建安十七年馬超破涼州殺刺史韋康獻帝本紀

寶雞縣志

卷十三

四

陝西印刷局印

三國魏志夏侯淵傳淵行護軍將軍屯長安馬超圍涼州刺史韋康於冀康敗趙衢尹奉姜叙等討超超奔漢中還圍祁山叙等急求救淵使張郃督步騎五千在前從陳倉狹道入淵自督糧在後

趙儼傳太祖徙出故韓遂馬超等兵五千餘人使平難將軍殷署等督領以儼爲關中護軍盡統諸軍羌虜數來寇害儼率署等追到新平大破之屯田客呂並自稱將軍聚黨據陳倉儼復率署等攻之賊即破滅

建安二十年曹操破漢中獻帝本紀

三國魏志武紀建安二十年三月曹公征張魯至陳倉將自武

都入氏氏人塞道先遣張郃朱靈攻破之夏四月公自陳倉以出散關至河池

二十四年先主自平陽於定軍山勢作營大破夏侯淵軍斬淵曹公至先主歛衆拒險終不交鋒積月不拔亡者日多夏曹公果引

軍還

蜀志先主傳

魏志張郃傳太祖自至漢中劉備保高山不敢戰太祖乃引出漢中諸軍郃還屯陳倉

曹眞傳太祖自至漢中拔出諸軍使眞至武都迎曹洪等還屯陳倉

建興六年冬丞相亮相出散關圍陳倉糧盡退魏將王雙率軍追亮

寶雞縣志

卷十三

五

陝西印刷局印

亮與戰破之斬雙

蜀志後主傳亮傳俱同

魏志明帝紀太和二年十二月諸葛亮圍陳倉曹眞遣將軍費曜等拒之

張郃傳諸葛亮急攻陳倉帝驛馬召郃到京都帝自幸河南城置酒送郃因問郃曰遲將軍到亮得毋已得陳倉乎郃知亮懸軍無穀不能久攻對曰比臣到亮已走矣

曹眞傳眞以亮懲於祁山後出必從陳倉乃使將軍郝昭王生守陳倉治其城明年亮果圍陳倉而不能克

魏略曰先是使將軍郝昭築陳倉城亮圍陳倉使昭鄉人靳詳於城外遙說之昭於樓上應詳曰魏家科法卿所練也我之爲

人卿所知也我受國恩多而門戶重卿無可言者但有必死耳卿還謝諸葛便可攻也詳以昭語告亮亮又使詳重說昭言人兵不敵無爲空自破滅昭謂詳曰前言已定矣我識卿耳箭不識也詳乃去亮自以有衆數萬而昭兵纔千餘人又度東救未能便到乃進兵攻昭起雲梯衝車以臨城昭於是以火箭逆射其雲梯梯然梯上人皆燒死昭又以繩連石磨壓其衝車衝車折亮乃更爲井闌百尺以射城中以土瓦填塹欲直攀城昭又於內築重牆亮又爲地突欲踊出於城裏昭又于城內穿地橫截之晝夜相攻拒二十餘日亮無計救至引退

按郝昭於邑有保障功舊志載在名宦考魏略昭爲雜號將軍本鎮河西因禦敵來陳倉與守土者不同故不見於宦績而備載於此

延熙十八年夏姜維率諸軍出狄道與魏雍州刺史王經戰於洮

西大破之

蜀志後主傳

魏志陳泰傳維等將數萬人至枹罕趨狄道泰敕王經進屯狄道泰進軍陳倉會經所統諸軍於故關戰不利

晉元帝大興三年正月晉王保爲劉曜所逼遷於桑城

晉書元帝本紀

宗室傳保高密王泰孫父南陽王模爲劉聰子燦所殺保在上邽全有秦州之地愍帝卽位進位相國都督陝西諸軍愍帝蒙塵保自稱晉王時上邽大饑士衆饑困保之南安逼於劉曜復

奔桑城將投張實爲實所拒

劉曜載記曜僭位黃石屠各路松多起兵於新平扶風聚衆數千附於南陽王保保以其將楊曼爲雍州刺史王連爲扶風太守據陳倉曜遣其車騎劉雅平西劉厚攻楊曼於陳倉二旬不克曜率中外精銳以赴之行次雍城以太史令并廣明言乃止勅劉雅等攝圍固壘以待大軍三年曜發雍攻陳倉曼連謀曰謀者適還云其五牛旗建多言曜自來其鋒不可當也吾糧廩既少無以支旦夕若頓軍城下圍人百日不待兵刃而吾自滅不如率見衆一戰如其勝也關中不待檄而至如其敗也等早晚死耳遂盡衆背城而陣爲曜所敗王連死之楊曼奔於南氏

寶雞縣志

卷十三

七

陝西印刷局印

松多奔隴城進陷安定保懼奔於桑城

康帝建元二年四月張駿將張驩敗石季龍將王擢於三交城康帝

本紀

孝武帝十八年十月姚萇死子興嗣僞位孝武帝本紀

姚興載記太元十九年僭卽帝位於槐里鮮卑薛勃叛奔嶺北上郡貳川雜胡皆應之興遣姚崇尹緯討之勃自三交趨金城

安帝義熙三年姚興將赫連勃勃僭稱天王於朔方安帝本紀

姚興載記興將曹熾曹雲王肆佛等各將數千戶避勃勃內徙興處佛於湟山澤熾雲於陳倉

姚泓載記武都公楊盛遣兄子倦入寇長蛇平陽氏苟渴聚衆

千餘據五丈原以叛姚湛討渴擒之泓使輔國歛曼威前將軍
姚光兒討楊倦于陳倉倦奔於散關

後魏世祖太平眞君三年三月劉義隆龍驤將軍裴方明梁州刺
史劉康祖寇南秦秋七月詔安南將軍建興公古弼與武都王楊
保宗等督軍從祁山入征西將軍淮陽公皮豹子與瑯琊王司馬
楚之等督關中軍從散關西入魏書世祖本紀
司馬楚之傳同

七年二月丙戌幸盩厔誅叛民與蓋吳通謀者軍次陳倉誅散關
氏害守將者世祖本紀

西魏文帝大統七年岷州刺史梁企定舉兵反詔獨孤信討之企
定尋爲部下所殺而企定子弟仍收其餘衆信乃勒兵向萬年屯

寶雞縣志

卷十三

八

陝西印刷局印

三交口

十七年冬十月遣大將軍達奚武出散關伐南鄭俱周書魏文帝紀

廢帝二年三月遣大將軍魏安公尉遲迴率衆伐梁武陵王蕭紀

于蜀周書魏廢帝紀

迴本傳迴自散關由故道出白馬趣晉壽

後周武帝天和元年秋七月戊寅築武功郿斜谷武都晉谷津坑
諸城以置軍人十一月丙戌行幸武功等新城

六年十一月丁巳行幸散關十二月己丑還宮俱周武帝紀

唐高祖武德元年九月秦州總管竇軌出散關討薛舉甲寅敗績

唐書高祖本紀

姜暮傳薛舉寇秦州以暮山西豪望詔安撫隴外委以便宜乃與寶軌出散關下河池漢陽與薛舉戰軌敗詔暮還朝

武后垂拱四年十二月乙酉殺霍王元軌

中宗本紀

霍王元軌傳越王敗嘗坐通謀徙黔州檻車載至陳倉薨

明皇天寶十五載六月丙申西幸辛丑次陳倉

元宗本紀

楊貴妃傳馬嵬之難虢國與國忠妻裴柔奔陳倉縣令率吏追之急意以為賊棄馬走林虢國先殺其二子柔曰丐我死即并其一女刺殺之乃自剄不誅吏載置於獄問曰國家乎賊乎吏曰互有之乃死葬陳倉東郭門外

肅宗上元二年二月己未奴刺黨項羌寇寶雞焚大散關

肅宗本紀

寶雞縣志

卷十三

九

陝西印刷局印

黨項傳黨項與渾奴刺連合寇寶雞殺吏民掠財珍焚散關入鳳州殺刺史蕭悞

代宗廣德元年吐番陷隴右諸地

代宗本紀

李抱玉傳廣德中吐番入寇帝次陝羣盜徧南山五谷間西距虢東距岐椎剽不勝計抱玉盡得賊株抵蹊隧分兵守諸谷使牙將李崇客率精騎四百自桃林虢川襲賊賊帥高玉脫身走固山南西道張獻誠擒以獻悉支黨斬之不閱旬五谷平

德宗興元二年李晟復京師遣大將吳誥以兵三千到寶雞清道

貞元三年八月吐番寇青石嶺

俱德宗本紀

吐番傳尚結贊以羌渾衆屯潘口傍青石嶺三分其軍趨隴汧

陽間連營數十里距鳳翔一舍詭漢服號邢君牙兵入吳山寶雞焚聚落略畜牧丁壯殺老孺斷手剔目乃去

德宗廣明元年十二月黃巢陷京師辛卯次鳳翔

信宗本紀

高仁厚傳京師有不肖子皆着疊帶冒持挺剽閭里號閑子巢入京師人多避難寶雞閑子掠吏不能制仁厚素知狀下約入邑閭縱擊軍入閑子聚觀嗤侮於是殺數千人坊門反閉欲亡不得故皆死自是閭里乃安

光啓二年正月戊子如興元

信宗本紀

蕭邁傳王師敗于沙陀帝幸鳳翔時諸節度共劾田令孜生事離間大臣朱玫起邠兵五千奉迎與沙陀等連合令孜迫帝幸

寶雞縣志

卷十三

十

陝西印刷局印

陳倉夜出百官不及從

杜讓能傳朱玫兵逼乘輿帝走寶雞獨讓能從翌日孔緯等乃至俄而進狩梁

孔緯傳帝避朱玫次陳倉詔拜緯御史大夫令促百官至行在緯往見李昌符曰詔書再至而羣臣未行僕大夫也不敢後願假兵護送天子所昌符具資裝送之既及行在緯策玫必反建言關邑阨狹不足駐六師請幸梁州卽日去陳倉而玫兵至微緯言幾不脫

田令孜傳帝夜啟開遠門出奔王建以義勇四軍扈帝夜亂牢水遂至陳倉令孜懼人圖已蒙面以行使王建長劍五百清道

曩傳國璽授之次大散關道險澁帝危及難數矣
楊晟傳僖宗在陳倉邠甯朱玫遣萬騎追行在乃擢晟感義軍
節度使守大散關玫兵攻關晟數卻戰
王行瑜傳朱玫劫嗣襄王煊為帝授行瑜天平節度使令率兵
守大散關為李鋌所破即奉款行在所
五代史李茂貞傳光啟初朱玫反僖宗出居興元玫遣王行瑜
攻大散關茂貞與保鑾都將李鋌等敗行瑜於大唐峰明年玫
遂敗死

昭宗天復二年上在鳳翔全忠復攻茂貞戰於虢縣岐兵大敗

昭宗

本紀

寶雞縣志

卷十三

十一

陝西印刷局印

五代前蜀武定五年

即梁貞明元年

十一月遣王宗儔等攻岐取其秦鳳

階成四州至於大散關

五代史前蜀世家

後唐莊宗同光三年九月魏王繼岌為行營都統郭崇韜為招討

使以伐蜀

唐本紀

繼岌傳九月戊申將兵六萬自鳳翔入大散關

李愚傳軍行至寶雞招討判官陳乂稱疾請留愚厲聲曰陳乂
見利則進知難則止今大軍涉險人心易搖正可斬之以徇由
是軍中無敢言留者

後漢隱帝乾祐元年二月壬辰右衛大將軍鳳翔巡檢使王景崇
及蜀人戰於大散關敗之

漢本紀

王景崇傳高祖遣景崇以兵迎回鶻景崇行至陝蜀兵方寇南山景崇擊破蜀兵追至大散關而還

宋史侯益傳漢祖卽位孟昶招益益遂與其子歸蜀昶令何重建率川兵數萬出大散關以應之漢祖知其事遣客省使王景崇率禁軍數千倍道趨岐下詔益入朝景崇至合岐雍邠涇之師以破蜀軍

秋七月王景崇叛

漢本紀

景崇傳景崇諷鳳翔將吏求已領府事朝廷患之拜景崇邠州留後以趙暉爲鳳翔節度使景崇乃叛推李守貞爲秦王隱帝卽以趙暉討之景崇西招蜀人爲助蜀兵至寶雞爲暉將藥元

寶雞縣志

卷十三

十一

陝西印刷局印

福李彥從所敗

後蜀世家漢將趙思綰據永興王景崇據鳳翔反皆送款於孟昶昶遣張虔釗出大散關已而漢誅思綰景崇虔釗等皆罷歸宋史宣祖紀漢乾祐中討王景崇於鳳翔會蜀兵來援戰於陳倉矢集左目氣彌盛奮擊大破之以功進護聖都指揮使

宋史藥元福傳蜀兵數萬來援景崇至寶雞依山列柵都監李彥從戰少却元福領數百騎自後驅之令還顧者斬衆皆殊死戰大敗蜀兵迫至大散關殺二千餘人餘皆棄甲遁

宋史孟蜀世韓家保正高

彥儔傳皆同

後周世宗顯德二年閏九月克秦州

周本紀

宋史王景傳秦鳳陷世宗命景與向拱率兵出大散關進討連陷砦柵大破蜀軍于上邽秦州降

宋史向拱傳蜀人取鳳州王溥荐拱討之乃詔拱與鳳翔王景率兵出大散關連下城砦

宋史周三臣傳顯德二年攻秦鳳以韓通爲西南面馬步都虞候入大散關圍鳳州分兵以斷蜀餉道鳳州拔

宋太祖乾德二年十一月甲戌命忠武軍節度使王全斌武信軍節度使崔彥進出鳳州道伐蜀

宋史太祖本紀

張暉傳乾德二年大軍西下以暉充西川行營先鋒都指揮使督兵開大散關路躬撫士卒且役且戰人忘其勞

寶雞縣志

卷十三

十三

陝西印刷局印

高宗建炎二年正月己酉禁諸將引潰兵入蜀置大散關使以審驗之

夏四月隴右都護張嚴及金人戰於五里坡敗績死之

俱高宗本紀

忠義傳劉惟輔與隴右都護張嚴追金兵惟輔不欲聽嚴節制乃自別道由吳山出寶雞獲金遊騎嚴擁大兵及金人戰於五里坡金人伏兵坡下嚴與曲端期不至徑前遇伏死之惟輔自石鼻砦遁歸

四年十一月張浚退軍興州秦鳳副總管吳玠收餘兵保大散關

高宗本紀

張浚傳富平潰浚退保興州命吳玠聚兵扼險于鳳翔之和尙

原大散關以斷敵來路

劉子羽傳子羽命吳玠柵和尚原守大散關金人知有備引去
吳玠傳五路陷巴蜀大震玠收散卒保散關東和尚原積粟繕
兵列柵爲死守計或謂宜退屯漢中扼蜀口以要人心玠曰我
保此敵決不敢越我而進堅壁臨之彼懼我躡其後是所以保
蜀也

紹興元年五月金人犯和尚原吳玠擊敗之

高宗本紀

張浚傳金將烏魯攻和尚原吳玠乘險擊之金人大敗

吳玠傳烏魯折合自階成出散關至陣北山索戰玠命諸將堅
陣以待之更戰迭休山谷路狹馬不能行金人舍馬步戰大敗

寶雞縣志

卷十三

十四

陝西印刷局印

移砮黃牛會大風雨雹遂遁去

冬十月兀朮攻和尚原吳玠及弟璘力戰大敗之兀朮僅以身免
高宗本紀

金史太宗紀天會九年十月宗弼與宋吳玠戰於和尚原敗績

張浚傳兀朮復合兵至玠及其弟璘復邀擊大破之兀朮僅以
身免亟剔其鬚遁

吳玠傳金人自起海角狃常勝及與玠戰輒北憤甚謀必取玠
兀朮會諸道兵十餘萬造浮梁跨渭自寶雞結連珠營壘石爲
城夾澗與官軍拒十月攻和尚原玠命諸將選勁弓強弩分番
迭射繁如雨注敵稍却則以奇兵旁擊絕其糧道度其困且走

設伏於神垵以待金兵至伏發衆大亂縱兵夜擊大破之兀木中流矢僅以身免

郭浩傳五路師敗張浚以浩移知鳳翔府寓治寶雞縣又退保和尚原金人抵原下浩與吳玠隨方撼禦蜀以安全紹興初敵攻和尚原又與吳璘往援斬獲萬計

楊政傳紹興元年春金人趨和尚原又攻箭筈嶺政引兵大破之十月金兵大集號十萬政統領將兵迎敵日數十合復出奇兵斷其糧道敵少却遮擊之獲萬戶及首領三百餘人甲士八百餘人

金史宗弼傳攻吳玠於和尚原抵險不可進乃退軍伏兵起且

戰且走行三十里將至平地宋軍陣於山口宗弼大敗戰士多死

三年冬金人犯和尚原將士乏食自潰吳璘拔砦棄去

高宗本紀

金史太宗紀天會十一年十一月宗弼克和尚原

按校宋史當是十年

吳玠傳璘在和尚原餉饋不繼玠又謂其地去蜀遠命璘棄之金史宗弼傳敗於吳玠之明年復攻和尚原克之

金史高松傳松有力善戰宗弼召置左右從攻和尚原累官咸平總管府判官

耨盃溫敦思忠傳從宗弼克和尚原還爲同知西京留守

四年正月戊寅金人犯神垵砦沿北嶺至大散關

高宗本紀

吳玠傳四年敵復大舉攻仙人關先是璘既棄和尚原經營仙人關右殺金平朔築一壘移原兵守之至是兀朮撒离喝及劉夔十萬騎入侵自鐵山開道循嶺東下玠以萬人當其衝璘率輕兵由七方關倍道而至與金兵轉戰七晝夜始得與玠會敵首攻玠營玠擊走之又以雲梯攻壘壁楊政以撞竿碎其梯以長矛刺之璘拔刀畫地謂諸將曰退此者斬金分軍爲二兀朮陣於東韓常陣於西璘率銳卒介其間左縈右繞隨機而發戰久璘軍少憊急屯第二隘金生兵踵至人被重鎧鐵鈎相連魚貫而上璘以駐隊矢疊射矢下如雨死者層積敵踐而登撒离喝駐馬四視曰吾得之矣翌日命攻西北樓姚仲登樓酣戰樓

傾以帛爲繩挽之復正敵以火攻樓用酒缶撲滅之玠急遣統領田晟以長刀大斧左右擊明炬四山震鼓動地明日大出兵統領王喜王武率銳士分紫白旗入金營金陣亂奮擊射韓常中目金人始宵遁

金史夾谷謝奴傳從攻和尚原出仙人關宋兵據險孟安雖訛只突戰不利謝奴選麾下五十人克之

高彪傳彪從攻和尚原仙人關

十年十一月金人犯寶雞縣統制楊從儀敗之

十一年冬十月戊辰楊政及金人戰於寶雞縣敗之

俱高宗本紀

楊政傳十年金人渝盟政偕統制楊從儀劫金人於鳳翔府城

南砦敗之遂趨寶雞凡大戰七斬獲甚多十一年秋金將胡蓋習不祝合軍五萬來攻攻出和尚原敗金萬戶通檢於寶雞又戰擒之

十二年八月棄和尚原方山原以大散關爲界

三十一年九月甲戌金人犯黃牛堡守將李彥堅拒之金兵扼大散關吳璘駐青野原遣將高松等援之是月吳璘遣將彭青至寶雞夜劫金人橋頭寨破之

俱高宗本紀

金史海陵紀正隆六年九月使河中尹徒單合喜平陽尹張中彥由鳳翔駐散關

吳璘傳三十一年金主亮叛盟遣合喜爲元帥以兵扼大散關

寶雞縣志

卷十三

十七

陝西印刷局印

遊騎攻黃牛堡璘卽肩輿上殺金平駐軍青野原調兵分道授以方略移檄契丹西夏山東河北聲罪致討

三十二年閏二月吳璘遣楊從儀等攻拔大散關分兵據和尚原

金人走寶雞

高宗本紀

金史神土懣傳子璋大定二年爲彰化軍節度使宋將吳玠出散關據寶雞以西詔璋赴元帥徒單合喜軍前任使

徒單合喜傳大定二年吳璘侵古鎮分據散關和尚原神义口玉女潭大蟲嶺石壁寨寶雞縣兵十餘萬合喜乞濟師詔以河南兵萬人益之

甯宗開禧二年九月壬午金兵攻奪和尚原十二月丁巳金人破

大散關

甯宗本紀

金史章宗紀泰和六年九月辛巳元帥蒲察貞取和尚原十月戊辰朔平章僕散揆督兵伐宋右監軍充以關中兵出陳倉十二月戊午充攻下大散關

安丙傳開禧二年梁洋義土方襲取和尚原旋爲金人所奪李好義傳爲興州正將數請出精兵襲金人吳曦蓄異謀不納未幾關外四州陷金人長驅入散關曦受金人說以蜀叛劉甲傳金人攻大散關興元都統制毋思以重兵守關而曦陰撤鞏關之戍金自板岔谷繞出關後思挺身免

金史完顏匡傳六年二月宋人陷散關

寶雞縣志

卷十三

十八

陝西印刷局印

完顏綱傳宋程松遣別將曲昌世襲方山原自率兵數萬襲和尚原西山寨龍門等關是日大霧四塞繼又暴雨和尚原諸戍兵不知宋兵來松遂據之蒲察貞遣裴滿阿里完顏孛論以兵千人伏方山原下萬戶奧屯撒合與术虎合沓別將壯士五百間道潛登出宋兵上自高而下宋兵大駭伏兵合擊遂破之貞乃分遣术虎合沓等率兵出黃兒谷取和尚原女奚列南家等率兵出大甯谷取西山寨自以兵由中路取龍門等關程松已焚閣道貞且修道且進兵至小關松將楊廷據險注射貞不能進令行軍副統裴滿阿里爲疑兵潛遣猛安胡信率甲士五千人繞出其後反擊之宋兵大敗遂斬廷於陣宋兵走二里關復

敗宋將彭統領兵走龍門追擊大破之合沓乘夜潛登和尚原絕頂宋人驚以爲神皆散走

三年四月四州忠義人復大散關癸酉金人復破大散關

甯宗本紀

金史章宗紀泰和七年四月癸丑宋攻破散關鞏州鈐轄兀顏阿失死之癸酉復散關

安丙傳都統孫忠銳由鳳州進攻大散關不克統領強德等出奇道由松林堡破金寨四月癸丑克之忠銳貪功吝財大失軍心且速還鳳州以關鑰付庸將陳顯癸酉大散關復陷

金史完顏綱傳上聞吳曦死綱至鳳翔詔撤五州之兵蒲察貞撤黃牛戍宋安丙乘之連兵來襲遂陷散關鞏州鈐轄完顏阿

寶雞縣志

卷十三

十九

陝西印刷局印

失死之詔奪綱官一階遣戶部侍郎尼厖古懷忠按治綱以下將吏懷忠未至陝西綱貞遣兵潛自昆谷西山養馬澗入四面攻之復取散關斬宋將張統領於團練綱遣使奏捷詔書獎諭貞等釋不問

嘉定元年六月庚午金人歸大散關

十年十二月金人破白環堡迫黃牛堡統制劉雄棄大散關金人據之

十一年十二月甲辰金人焚大散關而去夏四月戊午金人復犯大散關守將王立遁己未犯黃牛堡興元都統吳政拒退之癸亥政至大散關執王立斬之

俱甯宗本紀

金史宣宗紀興定二年二月甲辰諭胥鼎克宋散關可保則保不可保則焚燬而還

胥鼎傳元帥承裔等取宋大散關上諭鼎以可保則保不可保則焚燬鼎奏言臣問諸帥臣皆曰散關至驀關諸隘其地甚遠中間堡壘相望如欲分屯非萬人不可而又有恒州虢縣所值數關宋兵皆固守如舊緩急分兵恐鳳翔恒隴且至兩失不若焚燬此關但屯邊隘制可

十二年正月乙未興元都統吳政及金人戰於黃牛堡死之

甯宗本紀

金史宣宗紀興定三年五月乙未鳳翔元帥府遣兵敗宋人於黃

牛等堡

按此與甯宗紀日同月異

寶雞縣志

卷十三

二十

陝西印刷局印

十三年八月約夏人夾攻金興元副都統陳立出大散關

甯宗本紀

金史哀宗紀正大八年正月大元兵圍鳳翔府

金史馮延登傳延登以正大八年假翰林承旨奉國書朝見於虢縣御營有旨問汝識鳳翔帥否對曰識之又問汝能招之使降即賞汝死不即殺汝矣曰臣奉書請和招降豈使職乎招降亦死還朝亦死不若今日即死為愈也命斷其鬚延登立不為動

元太祖十七年木華黎軍克乾涇邠原進攻寶雞

元史太祖本紀

吾也兒傳太祖十七年從征克鳳翔及所屬州縣

太宗三年五月命拖雷出師寶雞

太宗本紀

睿宗傳鳳翔既下有降人李國昌者言金主遷汴所恃者黃河
潼關之險爾若出寶雞入漢中不一月可達唐鄧金人聞之寧
不謂我師自天而下乎拖雷言於太宗太宗大喜諸王大臣曰
昔太祖嘗有志此舉今拖雷能言之真賽因也賽因猶華言大
好也遂大發兵拖雷總右軍自鳳翔渡渭水過寶雞入小潼關
涉宋人之境

按竺邇傳睿宗分兵由山南入金境按竺邇爲先鋒出散關宋
人已燒絕棧道復由兩當出魚關軍沔州假道於宋制置使桂
如淵

賈塔刺渾傳從睿宗入散關略關外四州經興元渡漢江略唐

寶雞縣志

卷十三

二十一

陝西印刷局印

鄧申裕諸州

黑馬傳庚寅睿宗入自大散關命黑馬先由興元金房東下

八年丙申大軍伐蜀皇子出大散關

太宗本紀按
皇子闕端也

鄭鼎傳甲午從塔紺不征蜀攻二里散關屢立戰功退還秦中
劉亨安傳丙申都元帥塔海征巴蜀攻散關出奇制勝戰功居
多

石抹狗狗傳癸丑陞總管領奧魯屯田并寶雞驛軍權都總管

萬戶

按癸丑憲
宗三年

憲宗八年戊午夏四月帝由隴州入散關秋七月留輜重於六盤
山率兵由寶雞攻重貴山所至輒平

憲宗
本紀

史樞傳憲宗伐宋樞從天澤詣行在朝帝於大散關帝勞之曰卿久鎮東方茲復遠來勤亦至矣樞對稱旨帝壯其言命爲前鋒

李進傳憲宗西征丞相史天澤選諸道兵之驍勇者從遂命進爲總把是年秋九月道由陳倉入興元度米倉關其地荒寒不通進伐木開道七百餘里

文宗天歷元年十一月四川行省平章囊加台稱兵燒絕棧道

文宗

本紀

順帝至元十七年冬十月白不信大刀敖李喜喜陷興元遂入鳳翔

寶雞縣志

卷十三

二十二

陝西印刷局印

二十二年二月知樞密院事禿堅帖木兒奉詔諭李思齊討四川

時思齊退保鳳翔使至思齊進兵益門鎮使還復歸鳳翔

俱順帝本紀

明洪武四年傅友德充征虜前將軍與征西將軍湯和分道伐蜀

明史太祖本紀

友德傳友德以步騎出秦隴疾馳至陝集諸軍聲言出金牛而潛引兵趨陳倉攀援岩谷晝夜行抵階州

崇正七年夏官軍圍高迎祥李自成諸賊於興安之車箱峽兩月食盡僞降陳奇瑜受之縱出險復叛陷所過州縣

莊烈帝本紀

陳奇瑜傳洪承疇禦秦州賊賊遂越兩當襲破鳳縣分爲二一向漢中取間道犯城固一由鳳縣奔寶雞汧陽於是賊在平洵

間者數萬奇瑜檄軍四集賊困於車箱峽僞請降奇瑜遽許之凡三萬六千餘人每百人以安撫官一護之檄所過州縣具糗糧傳送既出棧遂盡殺安撫官攻掠諸州縣猝至鳳翔誘開城守城知其詐給以緹城上殺其先登者三十六人餘噪而去其犯寶雞亦爲知縣李嘉彥所挫

練國事傳崇正六年總督陳奇瑜檄國事駐商州協剿商南盧氏賊漢南賊遂由寧羌至兩當掠鳳縣出棧道陷寶雞關中賊復熾既而奇瑜受賊降檄諸軍勿擊賊出險遂大掠鳳翔麟遊寶雞扶風

賀人龍傳崇正九年九月惠登相等屯寶雞洪承疇遣人龍往

擊戰於賈家村追奔爲賊所截

孫傳庭傳崇正十年遣副將盛略等敗賊大天王於寶雞十一年傳庭出扼商洛大天王等犯慶陽寶雞還軍戰合水破走之獲其二子賊引而北犯延安傳庭策鄜州西合水東三四百里荒山邃谷賊入當自斃乃率標兵中部遏其東檄曹變蛟慶陽拒其西伏兵三水淳化間賊饑出掠食則張旗幟鳴鼓角以邀之一日夜馳二百五十里賊大驚西奔至職田莊遇伏而敗走寶雞取棧道再中伏大敗

論曰漢留侯有言關中左殽函右隴蜀沃野千里南有巴蜀之饒是固秦之所恃以勝六國與漢之所恃以制山東者然

自關中由棧道以通巴蜀則陳倉之大散關實扼其要蓋北不得此無以啟梁益南不得此無以窺關中惟漢初燒絕棧道不由散關後漢先零羌扼虞詡於陳倉及涼州賊王國圍陳倉未審其何道之從然自延岑出散關屯杜陵而散關之名始見於史至三國時魏武自陳倉至河池諸葛武侯圍陳倉俱出散關則其地實爲秦蜀之夷庚矣但由險而趨於夷其勢易由夷而入於險其勢難武侯旣出散關有席卷三輔之勢非郝昭拒之於陳倉則關中非魏有矣唐屢失關中天子西幸梁益而賊究不敢越散關以逼乘輿非是則中興無基矣宋金以散關爲界而二吳卒能據和尚原以保興元巴

蜀元克乾涇邠原由寶雞入漢下唐鄧而金遂至不支然則設險以守其國誠有國安危之所係也歷考諸史惟前十六國及後五代時有事於散關者半屬假道之侵無關廢興之要餘則進戰退守制人而不制於人實與崤函相爲表裏得其險而秦藉以富強漢藉以開基唐藉以延祚失其險而周自東遷以後遂至積弱不振東漢羌寇之擾所以滋蔓難圖歟獨是論攻守者知正道而不知奇道與伏道不可與言兵散關當雍梁之衝爲自古必攻必守之地正道也漢高之由故道出陳倉定三秦奇道也魏張郃之援祁山從陳倉狹道入諸葛武侯之據五丈原實由縣東南之虢川逶迤以達於

斜谷皆伏道也然先是司馬宣王於縣西築三交城其後苻秦復於三交城置武都郡宋金戰爭之際散關外又有西山寨大甯谷及龍門等關則奇道與伏道亦必有備始無患矣今之寶雞非陳倉舊治而二里關及益門鎮亦非散關故道自元及今有益門而無散關其地遂爲人跡所罕至幸際昇平之世雞犬桑麻井閭相望遵道路者共樂周行之同安耕鑿者渾忘

帝力之有備錄往事益見熙皞之風千古所無而沐浴詠歌之不容已云

